

Convenio de colaboración entre o Parlamento de Galicia e a Fundación para a Investigación, Desenvolvimento e Innovación Ramón Domínguez

R E U N I D O S

O **Excmo. Sr. D. Miguel Ángel Santalices Vieira** (DNI nº 34914062 Q), na súa condición de presidente do Parlamento de Galicia (CIF nº S1533001B), actuando ao abeiro das facultades que lle confire o artigo 31.1 do Regulamento do Parlamento de Galicia,

Dña. Eloína Núñez Masid (DNI nº 34937351Y), presidenta da **Fundación para a Investigación, Desenvolvimento e Innovación Ramón Domínguez** (CIF nº G15796683), que actúa ao abeiro das facultades outorgadas polo artigo 19 dos Estatutos da entidade.

Ambas partes recoñecen a súa competencia e capacidade para formalizar o presente CONVENIO DE COLABORACIÓN, e para tales efectos,

E X P O Ñ E N

Primeiro. A Fundación para a Investigación, Desenvolvimento e Innovación Ramón Domínguez ten por obxecto, entre outras, impulsar a investigación, a docencia, o desenvolvemento científico-tecnolóxico e a innovación no ámbito sanitario e nas Ciencias da Saúde, e dar o soporte necesario nas áreas económico-administrativas, de recursos humanos e de transferencia de resultados do Instituto de Investigación de Santiago (IDIS).

O IDIS estrutura o seu labor científico investigador a través de Áreas e Grupos de investigación. Un dos Grupos de investigación do Instituto, o Grupo de Oncología Médica Traslacional (ONCOMET), grupo multidisciplinar formado por investigadores básicos e clínicos, centra a súa investigación nas metástases, abarcando desde a invasión tumoral local á diseminación metastásica. O estudo abordase desde distintas perspectivas pero sempre desde un enfoque translacional, sendo todos os proxectos deseñados para cubrir necesidades clínicas reais. O obxectivo último do grupo é levar a cabo unha investigación desde e para o paciente.

Recentemente ONCOMET puxo en marcha unha campaña de micromecenado para recadar fondos para desenvolver un proxecto de investigación dirixido a caracterizar distintos tumores mediante mostras de sangue (Biopsia Líquida) de pacientes oncológicos de Galicia, co obxectivo de estudar a súa evolución e obter información sobre os mecanismos polos que se produce a metástase ou se desenvolven resistencias aos distintos tratamentos, buscando marcadores que proporcionen información sobre o tratamento que é mellor escoller e en que momento os pacientes deixan de responder ao tratamento, ou que permitan diagnosticar a enfermidade en estadios temperáns, cando as opcións de curación dos pacientes son maiores.

Os resultados deste estudio proporcionarán información moi valiosa para facer un diagnóstico más temprano e sínxelo da enfermidade, así como para seleccionar o tratamento dos pacientes dun modo más personalizado e eficaz.

Segundo. O Parlamento de Galicia, ao abeiro do artigo 9 e 43 da Constitución española, e como poder público, non quere ser alio aos esforzos da Fundación Ramón Domínguez para desenvolver este proxecto de investigación cuxos resultados poden supoñer unha esperanza de benestar e vida para todos os pacientes oncológicos de Galicia, motivo polo que estima que entraría na súa actividade de fomento.

Terceiro. Na memoria que consta no expediente, xustifícase a concesión directa de subvención no indubidable carácter humanitario que supón o desenvolvemento do proxecto de

investigación, e a aplicación dos resultados que se obterán para escollecer o mellor tratamento para os pacientes, ou que permitan diagnosticar a enfermidade en estadios temperáns, cando maiores son as opcións de curación.

Tendo mutuo interese ambas partes no éxito do proxecto investigador, acordan asinar este Convenio de colaboración que se rexerá polas seguintes

CLÁUSULAS

Primeira. Obxecto do convenio

O presente convenio ter por obxecto establecer os mecanismos de colaboración entre o Parlamento de Galicia e a Fundación para a Investigación, Desenvolvemento e Innovación Ramón Domínguez, para cofinanciar parte dos gastos do proxecto de investigación dirixido a caracterizar distintos tumores mediante mostras de sangue (Biopsia Líquida) de pacientes oncolóxicos de Galicia”.

Os fondos adicaranse á contratación de persoal, instrumental, ou material funxible necesarios para levar a cabo o proxecto.

Segunda. Declaracións e Obrigas das partes

A) A Fundación para a Investigación, Desenvolvemento e Innovación Ramón Domínguez declara:

- 1º. Que non está incursa en ningún dos supostos de prohibición do artigo 13 da lei 38/2003 nin do artigo 10 da lei 9/2007 de subvencións de Galicia
- 2º. Que se atopa ao día das obrigas tributarias e coa Seguridade Social
- 3º. Que cumplirá cos termos do convenio xustificando o importe da achega no prazo e coa documentación seguinte, que remitirá ao Parlamento de Galicia:

- Memoria da actuación xustificativa con indicación do destino dado aos fondos aportados polo Parlamento de Galicia nos termos da cláusula anterior.
- Relación clasificada dos gastos executados no período subvencionado: con identificación do acreedor e do documento, o seu importe, data de emisión e data de pago, xunto con copia das facturas e dos abonos vía transferencia (en calquera caso as de importe superior a 1.000,00 € bastando para as de contía inferior o recibí do preceptor se o pago foi en metálico, con indicación do DNI, sinatura e nome e apelidos deste). Enténdese por período subvencionado dende o 01/01/2017 ao 31/10/2017.
- Certificados de estar ao corrente coas obrigas tributarias e coa Seguridade Social.
- Certificación acreditativa do representante legal da entidade do importe das axudas solicitadas e/ou percibidas para esta actividade.

Esta axuda é compatible con outras axudas para esta actuación concreta se ben en ningún caso poderá ser superior a contía, illadamente ou en concorrencia, do custo total dos gastos subvencionados.

- Declaración asinada polo representante legal da entidade, de que esta non deduce nin compensa o IVA das subministracións ou servizos que solicita.
- Acreditación da publicidade da achega do Parlamento (fotografías, dípticos, web...)

– Certificado da conta bancaria a nome da entidade en que efectuar o pagamento.

O prazo para a achega de toda a documentación remata o 31 de outubro de 2017.

B) A Fundación para a Investigación, Desenvolvimento e Innovación Ramón Domínguez desenvolverá o proxecto de investigación dirixido a caracterizar distintos tumores mediante mostras de sangue (Biopsia Líquida) de pacientes oncolóxicos de Galicia, e o Parlamento de Galicia colaborará no cofinanciamento do seu custe ao abeiro da normativa aplicable en materia de subvencións, nos termos da cláusula seguinte.

O Parlamento de Galicia non asumirá, por motivo deste Convenio, ningún tipo de relación mercantil ou contractual coas persoas que participen no proxecto de investigación, que corresponderán enteiramente á Fundación para a Investigación, Desenvolvimento e Innovación Ramón Domínguez.

Terceira . Financiamento

O Parlamento de Galicia cofinanciará o proxecto con 5.000,00 €, con cargo á aplicación orzamentaria 01.01.111B.470.00.

Unha vez presentada en tempo e forma pola entidade a documentación xustificativa, será obxecto de control financeiro e aprobarase, previo informe da Intervención, mediante Resolución da Presidencia.

O incumplimento da obriga de xustificar o gasto subvencionado dará lugar á perda da subvención concedida na parte non xustificada. De non xustificarse axeitadamente seguirase o procedemento establecido no artigo 42 da lei xeral de subvencións.

Cuarta. Duración

Este Convenio de colaboración estará vixente durante o tempo necesario para a contratación do persoal, compra de instrumental ou material funxible, a súa posterior xustificación e fiscalización, que en todo caso non poderá estenderse mais alá do 31 de decembro de 2017.

O convenio extinguirase polo cumprimento do seu obxecto ou por incorrer en algunas das causas de resolución da cláusula oitava.

Quinta .- Difusión da colaboración das partes

Na actividade obxecto deste convenio farase constar a colaboración das partes e utilizaranse, cando proceda, a identidade corporativa de cada unha das Institucións.

A sinatura deste Convenio supón o consentimento expreso de ámbalas partes para fazer públicos a través dos diarios oficiais que procedan e das respectivas webs, os datos referidos ao seu contido de conformidade coa normativa sobre transparencia e boas prácticas que sexa de aplicación a cada unha delas.

Sexta. Comisión de Seguimiento

Coa finalidade de asegurar o cumprimento deste Convenio, crearase unha comisión de seguimento composta por un representante de cada unha das Institucións, que coordinará o seu desenvolvemento e estará facultada para resolver cantas dúbdidas puidesen xurdir na súa execución; poderá estar asistida polos técnicos que xulguen necesarios.

Os acordos adoptados pola Comisión serán inmediatamente executivos.

Terá, ademais, as seguintes funcións:

- A interpretación do convenio.
- A proposta de addendas ou modificacóns.
- Informe previo á resolución por incumprimento.
- Facultades de supervisión da execución e adopción das decisións e ditado das instrucións necesarias co fin de salvagardar a correcta realización das actividades acordadas.
- Calquera outra relacionada co bo funcionamento deste Convenio.

Sétima.- Modificación

As partes, ou a comisión de seguimento, poderán instar a modificación deste Convenio en calquera momento. Mediante addenda achegaranse as modificacóns sobre o seu contido acordado pola partes.

As propostas de modificación deberán ser comunicadas por escrito cunha antelación dun mes.

Oitava. Resolución.

Serán causas de resolución deste convenio:

- O transcurso do seu prazo de vixencia sen terse acordado a súa prórroga.
- O mutuo acordo entre as partes.
- A denuncia de calquera das partes, formulada cun mes de antelación e por causas xustificables.
- O incumprimento total ou parcial das cláusulas contidas neste convenio.
- Por decisión xudicial declaratoria da nulidade do convenio.

Novena. Réxime xurídico.

Este convenio ten natureza administrativa e rexerase pola Lei 40/2015, do 1 de outubro, de réxime xurídico do sector público; e as cuestións litixiosas que poidan xurdir na interpretación e cumprimento do presente convenio de colaboración serán de coñecemento e competencia da orde xurisdiccional do contencioso-administrativo.

Asemade rexerase pola normativa aplicable en materia de subvencións.


En proba de conformidade asínase este convenio por triplicado en Santiago de Compostela o 28 de xuño de 2017.



Miguel Ángel Santalices Vieira,
presidente do
Parlamento de Galicia



PARLAMENTO
DE GALICIA
PRESIDENCIA



Eloína Núñez Masid, presidenta da Fundación
para a Investigación, Desenvolvemento e
Innovación Ramón Domínguez